

ENGADINDO ESTILOS

En exercicios HTML anteriores fumos engadindo estilos en algúns deles.

Agora imos ver que existen outras formas de engadir estos estilos e imos a explicar qué formas son máis recomendables e porqué.

De xeito xeral podremos engadir CSS ao noso HTML de catro formas:

- Estilos In-line
- Etiqueta Style
- Directiva **@import**
- Etiqueta link

Estilos In-line

A inclusión de estilos In-line consiste na inclusión de estilos visuais empregando o atributo **style** das etiquetas.

Este atributo é un atributo xeral que está presente en todas aquelas etiquetas que serven para describir o contido da páxina.

Un exemplo de estilos In-Line sería:

```
<h1 style="color:red">
...
<h1>
...
<h2 style="color:red">
...
<h2>
```

É directo pero se queremos realizar un cambio en todos os elementos que teñen esa cor de letra neste e en todos os demais ficheiros do meu sitio teríamos un montón de traballo.

Etiqueta Style

A etiqueta **<style>** permíteme definir todos os estilos dunha mesma páxina web nun único sitio que, normalmente, soe estar na cabeceira.

Un exemplo do uso desta etiqueta sería:

```
<style>
h2 {
    color: green;
}
</style>
```

Se houbera algún cambio no estilo do meu sitio só tería que facelo unha vez por páxina. Segue sendo moito traballo se o meu sitio web está composto, por exemplo, por centos de páxinas.

Directiva **@import**

Permítenos importar un ficheiro css directamente no noso HTML.

Emprégase dentro da etiqueta **style** de este xeito:

```
<style>
    @import 'css/import.css';
</style>
```

import.css sería o nome do noso ficheiro de estilos podendo ser o que nos queiramos.

Empregar esta técnica permítenos realizar cambios no estilo de toda a miña web únicamente tocando un ficheiro.

Con todo hai un inconveniente. O rendemento, xa que é bloqueante nalgúns navegadores, e párase a descarga do resto da páxina ata que non se descargue a folla de estilos.

Polo tanto hai que usar esta opción con coidado.

Etiqueta Link

É a opción que recomendamos. Teremos un único punto de cambio e á vez non é bloqueante.

Un exemplo de uso desta etiqueta, que se pon dentro da cabeceira, é:

```
<link href="css/estilos.css" rel="stylesheet" type="text/css" />
```

Ten tres atributos nos que indicamos qué ficheiro queremos (href), que tipo de ficheiro é (type) e relación que existe entre o documento e o documento enlazado (rel)